

宜昌府志



同治乙丑新刊

宜昌府志

板藏文昌宮

宜昌府志序

時有古今地判險夷欲考輿圖實資文獻然而
續承較易創始為難若非殫見而洽聞未可信
今而傳後予於宜昌府志竊有感焉憶前在荆
州將軍任內時方靖謐士庶恬熙即留心地利
慎固郊圻務令獄訟端平旗漢和輯及粵逆狡
猖侵犯州境不憚躬冒矢石眾志成城用固吾
圉龍陂橋一戰差足破賊膽而振軍聲洎膺

宜昌府志

序

一

罷命節制兩湖並忝授

欽篆轉馳鋒鏑之際出入襄沔之間以宜郡距江城
千有餘里至荊州則一水可達為西南屏障檄
令地方文武豫籌防剿其時鄂城已經三陷江
漢兩岸盡成灰燼賊雖懾我軍威而蔓延竄擾
聚散無常不免東擋西除之累賴舉胡宮保中
丞同心僇力掃蕩妖氛以次克復全城前報宜
郡兩次被賊攻撲調兵勇援救均得危而復安



今仰賴

皇上德威肅清南部楚北亦就安恬急思修舉廢墜
誠慮各屬殘破之後典籍淪亡即有歲書之家
國史尚遭燹劫志乘豈能免災若不及時修葺
則非特戶口莫稽其數賦稅罔悉其詳將

列聖之謨訓風俗之淳漓以及縉紳賢達高人逸士
忠孝節義之表揚文章之炳蔚與夫府州縣千
百年之官斯土者仁聲善政皆無所稽攷何以

宜昌府志

序

二

訓俗型方而風有位又況川嶽渾峙疆界不明
則設險無藉此予所以有肇修全志之議也今
聶陶齋太守創修郡志延王子壽比部並訓導
雷春沼編輯係在未奉劄文之前可謂獨為其
難先得我心者也予維宜郡在周秦間本係楚
地先曰夷陵以西北有夷山也或改曰西陵或
曰彝陵或為拓州或為峽州蓋徙治步闡壘即
今治也

國朝雍正年間升州為府嘉慶以後屢有修葺以至於今攷三國及五代時凡欲窺伺荊州未有不爭彝陵者呂氏謂荊州要害實在彝陵胡安國亦云關荊州存亡所恃者南有石鼻馬鞍山亭之雄西有天柱峽口之險峽口兩岸壁立蜀江西來漩渦最惡又有流頭惡蛇狼尾諸灘可以扼蜀夔吭喉惟安陸襄陽去荊門荊州最近均有陸路可達彝陵前此粵逆攻陷宜郡乃自

宜昌府志

序

三


安陸荆門當陽而至再經襄匪入寇則由興山皆不得志而遠颺是在地方思患豫防乘機保固耳茲閱所編新志分門別例紀載詳明炳炳朗朗實足經緯萬端文獻百代讀是書者知富教之可興亦常變之有備也是為序

同治四年乙丑十月

誥授光祿大夫

欽差大臣 文華殿大學士兵部尚書都察院左都

御史總督湖廣等處地方軍務兼理糧餉世襲一等果威伯遼陽官文序



宜昌府志

序

宜昌府志序

周禮春官有小史掌邦之志此
後世郡縣志書所由昉也宜昌
古稱彝陵自漢迄明代有沿革
要皆僻處荒陬圉麗版圖之末
而見聞荒渺規制缺如

宜昌府志

序

一

國家教澤涵濡漸被日廣自雍正
十三年改為宜昌府領州二縣
五嗣今又百餘年休養生息沐
浴薰陶駸駸乎文明日啟雖從
前之列土司者無不洗其樸陋
有規為大備之觀焉至其地通

蜀岷之門戶據荆襄之上游商賈輻輳物產殷繁環水枕山儼稱雄郡然舊無志書欲考其土宇取章禮樂政刑之故薦紳先生難言之同治二年聶陶齋太守來守茲土緬遺規之莫覩悵

文獻之無徵爰與郡之士人殫心綜覈銳意搜羅訪形勝於山川蒐舊聞於風雨利弊興廢有關於民瘼者必書孝義忠貞有裨於民教者必錄以及物產之精田賦之制靡不綱舉目張條

理具備焉夫志書之作因前人
已成之書而增脩之其事易以
前人未有之書而創興之其事
難是舉也非太守之留心掌故
無以開其始非郡人遠紹旁搜
亦無以贊其成俾後之覽是書

者凡地勢之要害民生之休戚
皆有以得其要領而知所從違
然則太守與郡之人其有功於
將來也大矣書既成屬序於余
余忝使輶軒則其地之風土人
情所當謀度諏詢者皆使臣之

責也夫其敢辭他日采風是郡
既按圖而稽之更周歷而觀之
益覺了然於心如示諸掌矣爰
樂為之序

同治五年歲在丙寅湖北督學
使者孫家鼐譔



宜昌府志序

禹貢一書為地志所由昉自山川形勢道里疆域以及土壤之異物產之宜靡不畢舉而則壤成賦之後乃以祗台德先不距朕行東漸西被聲教四

宜昌府志

序

一

訖終焉嗚呼先王作書之意不可概見也已矣先王之治民也始於養終於教禹貢一書記即教養之槩獲歟三代而後著作愈繁條理愈密自國都下至郡縣莫不力志然往者誇多

關靡競文詞之鉅觀矜採取之
繁富求其不失先王之意者
蓋鮮矣同治甲子子吾友聶子
陶齋出守宜昌宜昌據三楚上
遊為西蜀門戶其山川之奇人文
之美物產之富不下於他府乃

他府皆有志而宜昌獨闕焉夫
豈真無足志也歟亦多苦心者
為之偶爾於是聶子慨然創舉
網羅舊聞命都人士詳加采訪
並約王比部子壽相與商訂
筆削不數月而告厥成凡山川之

悠繆郡邑之沿革男女丁口之
數錢糧倉庫之儲與夫學校
職官節義孝弟古蹟物產文
章無不條分縷析包舉靡遺
夫豈徒是弄筆墨逞詞華云
爾哉蓋將舉先王養與教之

道為司牧者示之權輿也後
之守斯郡者果能鑒聶子作
志之微意整躬率屬以養與
教為己任則必將勸農桑興學
校廣積貯重節義旌孝弟彰
古蹟將物產日益盛丁口日益

繁風俗日益厚文章日益隆
郡邑為之增光山川為之生
色未必非此書導之先路也
斯不負聶子作志之苦心也友
余與聶子陶齋王子子壽俱
為同年交余適觀察荆南而

余又曾宰東湖宜昌為余舊
遊之地余烏能無情哉適聶
子以弁言相屬因為撮其大
要焉是為序時同治三年
九月

賜進士出身

欽命分巡荆宜施兵備道兼管
水利事務加三級紀錄十次
永清張建基謹序



宜昌郡志序

宜昌立郡自

國朝

雍正十三年始是時容美納土

改設州邑無所附隸乃併巴州

五縣升夔陵州為宜昌府置郡

守統一兼置同知通判以各職

宜昌府志

序

閱今百有餘年矣然郡志如

有志同治二年秋

光鑾膺

簡命

來守是邦詢知如此則悵然深

念改郡以來建置緣起與一切

政體措施靡所諏稽大懼無以

紹前規貽後集乃集郡人士

議創修志乘檄行所屬博加
採訪徵募梓費既次第至
於是延同年王子壽比部暨
雷少泉學博分類纂輯都
人士襄助編校光鑒以相與日夕
討論書成輒撮舉大意序諸

宜昌府志

序

簡端昔者江淹有言修史莫難
於志郡志以史類也志雖則
創尤難可知矣茲郡乃尤有
難焉者稱名之屢易官秩之
屢更統屬割隸之增損漢壤
蠻徼之紛紜叢雜一兵防也而